


元和郡縣圖志

附關卷逸
文攷證

六



元和郡縣圖志

附闕卷逸文攷證

(六)

李吉甫撰
孫星衍校
張駒賢攷證

元和郡縣圖志卷第十六

河北道一

懷州 魏州 相州 博州 衛州 貝州 澶州

懷州河內雄 開元戶四萬三千一百七十五 鄉八十九
元和戶八千七百四十一 鄉三十一

今爲河陽三城懷州節度理所

管州一 懷州

縣十 河陽、汜水、溫縣、濟源、河清等五縣事具河南府。

禹貢冀州之域。覃懷之地。周爲畿內及衛、邢、雍三國。春秋時屬晉。七國時屬韓、魏二國。秦兼天下。滅韓爲三川郡。滅魏爲河東郡。今州爲三川郡之北境。河東郡之東境。楚、漢之際。項羽立司馬卬爲殷王。王河內。高帝二年。卬降。以其地爲河內郡。領縣一十八。理懷。後漢世祖南定河內。難其守。鄧禹舉寇恂。世祖謂恂曰。河內殷富。吾將因是而起。昔高祖留蕭何鎮關中。吾今委卿以河內。恂遂伐淇園之竹。理矢百餘萬。養馬三千匹。收租四百萬斛。以給軍事。由是東漢之業濟焉。晉河內郡移理野王。隋開皇三年。罷郡。置懷州。武德二年。陷賊。其年。於河清縣界柏崖城置懷州。四年。討平王充。自柏崖城移於今理。今屬河陽三城。

州境。東四十二里。北一百一十五里。

八到。四南至上都一千一十里。四南至東都一百五十里。

東至衛州二百六十里。東南至衛州一百九十里。

北至澤州一百四十里。

貢賦。開元貢。牛膝。絲。絹。絲。縣。

元和貢。平絢十疋。牛膝。

管縣五。河內。武陟。武德。修武。獲嘉。

河內縣。望郭下。開元戶一萬八百五十四。鄉二十一。

本春秋時野王邑也。左傳曰。晉人執晏弱於野王。是也。漢以爲縣。屬河內郡。隋開皇十三年。改爲河內縣。皇朝因之。

太行山在縣北二十五里。禹貢曰。太行。恆山。至於碣石。注曰。二山連延。東北接碣石。

太行陁在縣西北三十里。連山中斷曰陁。述征記曰。太行山首始於河內。自河內北至幽州。凡有八陁。第一曰軹關陁。今屬河南府濟源縣。在縣理西十一里。第二太行陁。第三白陁。此兩陁今在河內。第四潞口陁。對鄴西。第五井陘。第六飛狐陁。一名望都關。第七蒲陰陁。此三陁在中山。第八軍都陁。在幽州太行陁。

闊三步長四十里。

沁水在縣北四里。

丹水北去縣七里分溝灌溉百姓資其利焉。

濟水經縣西南去縣三十里。

新城壘在縣東北九里武德三年劉德威於此置營。

武陟縣望西北至州一百里開元戶九千九百九十九鄉十六。

本漢懷縣地開皇十六年分修武縣置武陟縣理武德故城今縣東二十里武德故城是也屬殷州皇朝因之貞觀元年省殷州屬懷州。

沁水在縣東一里。

故懷城在縣西十一里兩漢河內郡並理之晉移郡理野王。

故殷城在縣東南十里楚漢之際司馬卬爲殷王都在此。

武德縣望西至州四十七里開元戶一萬二百六十二鄉二十。

本周司寇蘇忿生之州邑也左傳曰周與鄭人蘇忿生之田州陘隤懷注曰州今河內州縣是也漢以爲州縣屬河內郡隋開皇十六年改州爲邢邱縣遙取古邢邱爲名也大業二年改邢邱爲安昌縣取安昌

侯張禹國城爲名也。武德二年改爲武德縣。

太行山在縣北五十里。

沁水北去縣二里。

安昌故城在縣東十三里。卽張禹所封國城也。

故大斛關在縣北一百六里太行山上。

平皋陂在縣南二十三里。多菱蓮蒲葦。百姓資其利。周迴二十五里。

修武縣緊。西南至州一百二十里。開元戶六千七百一十七。鄉十三。

本殷之甯邑。韓詩外傳曰。武王伐紂。勒兵於甯。改曰修武。左傳曰。晉陽處父聘於衛。過甯。注曰。汲郡修武縣是。漢以爲縣。屬河內郡。周武帝以爲修武郡。修武縣屬修武郡。隋開皇三年罷郡。屬懷州。武德初。屬殷州。貞觀元年。省殷州。依舊屬懷州。

太行山在縣北四十二里。

天門山。今謂之百家巖。在縣西北三十七里。以巖下可容百家。因名。上有精舍。又有鍛竈處所。卽嵇康所居也。

濁鹿故城。在縣界東北二十三里。魏文帝受禪。封漢帝爲山陽公。居河內山陽濁鹿城。卽此城也。

禪陵在縣北三十五里。獻帝陵也。以禪讓名。

獲嘉縣。望。西南至州一百六十里。開元戶一萬一十四。鄉十九。

本漢縣也。武帝將幸緱氏。至汲縣之新中鄉。得南越相呂嘉首。因立爲獲嘉縣。屬河內郡。此前獲嘉縣理在今衛州新鄉縣西南十里。獲嘉縣故城是也。高齊又移於衛州共城。隋自共城移於今理。

同盟山在縣東北五里。武王伐紂。與諸侯同盟於此山。

七賢祠在縣西北四十二里。嵇阮祠也。

魏州。魏郡。開元戶十一萬七千五百七十五。鄉一百四十。大都督府。元和戶六千九百二十。

今爲魏博節度理所。

管州六。魏州。相州。博州。衛州。貝州。澶州。

縣四十三。都管戶。

墾田。

禹貢冀、兗二州之域。在夏爲觀、扈之國。春秋時爲晉地。按沙麓崩在今元城東南四十里。是戰國時爲衛、魏二國地。秦滅魏。置東郡。滅趙。置邯鄲郡。漢高祖使韓信定河北。以秦邯鄲郡之南部東郡之邊縣置魏郡。卽今元城縣是也。後漢封曹操爲魏王。理鄴。前燕慕容暉都鄴。其魏郡並理於鄴中也。後魏於今州理。

置貴鄉郡。尋省。周宣帝大象二年。又於貴鄉郡東界置魏州。隋煬帝大業三年。罷州。爲武陽郡。隋亂。陷賊。武德四年。討平竇建德。改置魏州。其年。又陷劉黑闥。五年。平黑闥。置總管府。七年。改爲都督府。貞觀六年。罷都督。復爲州。

州境。東一百九十六里。南北一百三十八里。

八到。西南至上都一千六百一十里。東南至東都七百五十里。

正東北至貝州二百一十里。東北至相州二百一十里。

西北至洛州一百六十四里。西至相州一百六十四里。

東南至濮州一百九十里。東南至鄆州二百四十里。

賞賦。開元貢。絲。紬。平。紬。絲。紬。施。紬。

管縣八。貴鄉。元城。魏縣。館陶。冠氏。朝城。莘縣。昌樂。

貴鄉縣。望三十。郭下管四界。本漢元城縣地。後魏孝文帝分置貴鄉縣。屬昌樂郡。隋開皇三年。罷郡。縣屬魏州。大業三年。改屬武陽郡。皇朝因之。武德初。割屬魏州。

大河故瀆俗名王莽河。西去縣三里。

州城前燕慕容暉所築。周宣帝於此置州理焉。

古堰今名愜山。在縣西九里。成帝時。河決金隄。河隄使者王延世募人塞之。蓋連土塞河之處。以其愜當人情。故謂之愜山。

元城縣。

望三十里。郭下管東界。

本漢舊縣。屬魏郡。魏武侯公子元食邑於此。因名。魏黃初二年。於此置陽平郡。高齊

省元城縣入貴鄉。隋開皇六年。復置。貞觀十三年。又省入貴鄉。聖歷元年。重置。開元十三年。移在州東北三百步。

沙麓在縣東十二里。卽春秋經所書沙麓崩。漢書以爲元后興之祥也。

馬陵在縣東南一里。齊將孫臏破魏軍。殺龐涓於此。

五鹿墟在縣東十二里。公子重耳乞食於五鹿野人。與之塊。卽此處也。

王翁孺墓在縣東二百步。元后之祖也。

東哲墓在縣東二十五里。

魏縣。

望三十六里。東至州四十里。

本漢舊縣。屬魏郡。後魏孝文帝分魏縣置昌樂。高齊省魏縣屬昌樂縣。隋開皇六年。

又分昌樂置魏縣。屬魏州。皇朝因之。

舊漳河在縣西北十里。

新漳河在縣西北三十里。

蓋寬饒墓在縣東南八里。

狄仁傑祠在縣東南四里。爲魏州刺史。百姓生爲立祠。

館陶縣。緊二十五里。西至州五十里。春秋時。晉地冠氏邑。陶邱在縣西北七里。爾雅曰。再成爲陶邱。趙時。置館於其側。

因爲縣名。漢屬魏郡。魏文帝改屬陽平郡。石趙移陽平郡理此。周大象二年。置屯州。以近屯河爲名。隋大業二年。廢屯州。以縣屬魏州。

大河故瀆俗名王莽河。在縣東四里。

屯氏河俗名屯河。在縣西二里。

白溝水本名白渠。隋煬帝導爲永濟渠。亦名御河。西去縣十里。

冠氏縣。緊二十四里。西至州六十里。本漢館陶縣地。隋開皇六年。分館陶東界置冠氏縣。因古冠氏邑爲名。屬屯州。大

業二年。廢屯州。縣屬魏州。

王莽河北去縣十八里。

冉仲弓墓在縣北二十五里。

朝城縣。緊三十里。西北至州一百里。本漢東武陽郡。在武水之陽。故曰武陽。其後爲縣。屬魏郡。開皇十六年。屬莘州。大

業二年。廢莘州。屬魏郡。貞觀十七年。廢永昌元年。置改武聖。開元七年。改爲朝城。

武河在縣東十步。

黃河在縣東二十九里。

武陽臺在縣西南一里。

扁鵲墓在縣羅城西北隅。

莘縣

上二十一里至州一百里

西

本衛地。漢爲陽平縣。屬東郡。魏改屬陽平郡。隋開皇六年。又於樂平故城置陽平縣。

屬魏州。八年。改陽平爲清邑縣。大業二年。改爲莘縣。因北古莘亭爲名。皇朝因之。

莘亭在縣北十里。傳曰。衛宣公使太子伋之齊。使盜待諸莘。將殺之。二子伋、壽爭相爲死。卽此地也。

昌樂縣

望二十里至州五里

北

本漢舊縣。屬東郡。後漢省。後魏孝文帝於漢舊昌樂城置昌樂郡及昌樂縣。周武

帝改屬魏郡。隋罷郡。改屬魏州。皇朝因之。

王莽河西去縣十六里。

相州

鄭郡

開元月七萬八千

元和月

鄉一百五十一

二十九

禹貢冀州之域。又爲殷盤庚所都。曰殷墟。項羽與章邯盟於洹水南殷墟。是也。春秋時屬晉。戰國時屬魏。魏文侯使西門豹守鄴。是也。秦兼天下。爲上黨。邯鄲二郡之地。漢高帝分置魏郡。理鄴。後漢末。冀州理之。韓馥爲冀州牧。居鄴。其後袁紹。曹操因之。建安十七年。冊命操爲魏公。居鄴。黃初二年。以廣平、陽平、魏三

郡爲三魏。長安、譙、許、鄴、洛陽爲五都。石季龍自襄國徙都之。仍改太守爲魏尹。慕容儁平冉閔。又自薊徙都之。仍置司隸校尉。苻堅平鄴。以王猛爲冀州牧。鎮鄴。後魏孝文帝於鄴立相州。初孝文幸鄴。訪立州名。尙書崔光對曰。昔河亶甲居相。聖皇天命所相。宜曰相州。孝文從之。蓋取內黃東南故殷王河亶甲居相所築之城爲名也。至東魏孝靜帝。又都鄴城。高齊受禪。仍都於鄴。改魏尹爲清都尹。周武帝平齊。復改爲相州。大象二年。自故鄴城移相州於安陽城。卽今州理是也。隋大業三年。改相州爲魏郡。武德元年。復爲相州。後或爲總管。或爲都督。

境州。東四十二里。北一百六十九里。

八到。西南至東都。一千四百四十里。

北至磁州。六十五里。

東取臨洛縣。北至邢州。二百六十五里。

西至潞州。三百五十里。

東南至滑州。一百三十里。

貢賦

開元貢。紗。鳳翽扇。胡粉。知母。

管縣十。安陽。鄴縣。成安。內黃。堯城。洹水。臨漳。臨河。蕩陰。林慮。

安陽縣。案郭本七國時魏甯新中邑。秦昭襄王拔之。改名安陽。漢初廢。以其地屬蕩陰縣。晉於今理西南。

三里置安陽縣屬魏郡。後魏併入蕩陰。隋開皇十年置安陽縣屬相州。皇朝因之。韓陵山在縣東北十五里。東魏丞相高歡破爾朱兆衆於此山。

洹水西南自林慮縣界流入。

鄴縣緊二南至州四十里

本漢舊縣屬魏郡。晉以懷帝諱改鄴爲臨漳縣。石季龍徙都之。復改爲鄴縣。冉閔及慕容皝泊東魏高齊並都於此。其縣名直至隋氏不改。皇朝因之。

濁漳水在縣北五里。西門豹爲鄴令。引漳水以富魏之河內。後史起爲鄴令。又引漳水溉鄴。人歌之曰。鄴有賢令。號爲史公。決漳水兮灌鄴旁。終古瀉鹵生稻粱。今天谷井堰卽其遺址也。

故鄴城縣東五十步。春秋時齊桓公所築也。自漢至高齊。魏郡鄴縣並理之。今按魏武帝受封於此。至文帝受禪。呼此爲鄴都。

西門豹祠在縣西十五里。

魏武帝西陵在縣西三十里。

成安縣上四西南至州一百五十里本漢斥邱縣地。屬魏郡。土地斥鹵。故曰斥邱。其地舊屬鄴縣。高齊文宣帝分鄴縣

置成安縣。屬清河郡。周平齊屬魏郡。隋開皇三年改屬相州。皇朝因之。

濁漳水西自滏陽縣界流入。

斥邱故城在縣南三十里。本春秋時乾侯邑。漢以爲斥邱縣。左傳曰：公如晉，次於乾侯。

內黃縣。至州八十里。本漢舊縣，屬魏郡。河以北爲內，南爲外。故此有內黃。陳留有外黃。後魏省。隋開皇六

年，重置內黃縣，屬相州。武德二年，於黎陽縣置黎州，縣屬焉。貞觀十七年，廢州，縣屬相州。

湯水南去縣七里。

黃澤在縣西北五里。

故殷城在縣東南十里。殷王河亶甲居相，因築此城。

永濟渠本名白渠。隋煬帝導爲永濟渠，一名御河。北去縣二百步。

堯城縣。上。至州四十里。本漢內黃縣地。晉於此置長樂縣。高齊省長樂入臨漳縣。隋開皇十年，分臨漳、洹水二

縣於此重置長樂縣。十八年，改爲堯城。因所理堯城爲名也。

洹水在縣北四里。

丹朱墓在縣東一里。

洹水縣。上。至州一百二十里。本漢內黃縣地。晉於此置長樂縣，屬魏郡。後魏省。孝文復置長樂縣。高齊省入臨

漳縣。周武分臨漳置洹水縣。因洹水流入，卽以爲名。屬魏郡。隋開皇三年，割屬相州。皇朝因之。

洹水西自堯城縣界流入。

鷓鴣陂在縣西南五里。周迴八十里。蒲魚之利。州境取資。

永濟渠西去縣二里。

臨漳縣。上。西南至州六十里。本漢鄴縣地。東魏孝靜帝分鄴縣之地於鄴城中置臨漳縣。周武帝平齊。自鄴城移。

臨漳縣於今理。屬魏郡。隋開皇三年。改屬相州。皇朝因之。

東山池在縣西南十五里。東魏相高澄所築。引萬金渠水爲池。作遊賞處。

鷓鴣陂在縣東南三十里。與洹水縣同利。

袁紹墓在縣西北十六里。

臨河縣。上。西北至州百二十里。本漢黎陽縣地。隋開皇六年。分置臨河縣。屬衛州。其城本春秋時衛新築城。十六

年。改屬黎州。大業二年。又改屬衛州。武德二年。通置黎州。縣屬焉。貞觀十七年。廢黎州。以縣屬相州。

黃河南去縣五里。

蕩陰縣。上。北至州四十里。本七國時魏蕩陰邑也。漢以爲縣。屬河內郡。縣有蕩水。因取名焉。晉屬魏郡。後魏省。

隋開皇六年。重置蕩陰縣。屬相州。十六年。改屬黎州。武德四年。分安陽置蕩源縣。屬衛州。六年。改屬相州。

貞觀元年。改爲蕩陰。從漢舊名也。

蕩水西去縣三十五里。

瀋里一名姜里。在縣北九里。紂拘西伯之所也。

林慮縣。上一。東至州一百一十里。本漢舊縣。屬河內郡。以隆慮山在北。因以爲名。後避殤帝諱。改曰林慮。屬朝歌郡。

晉屬汲郡。後魏太武帝省入鄴縣。文帝立。復屬魏郡。周武帝置林慮郡。隋開皇三年。罷郡。縣屬相州。武德

二年。又置巖州。五年。廢縣。又屬相州。

林慮山在縣西二十里。山多鐵。縣有鐵官。南接太行。北連恆岳。

博州。博平。開元戶三萬七千四百七十。鄉七十四。元和平戶二千四百三十。鄉一十五。

禹貢兗州之域。春秋時齊之西界。聊攝地也。戰國時爲齊地。秦兼天下。今州卽秦東郡地也。在漢爲東郡

聊城縣之地。後魏明元帝於此置平原鎮。孝文罷鎮。置平原郡。葛榮之據冀州也。又於今理置冀州。尋廢

孝武帝復置平原郡。隋開皇三年。置郡。十六年。於今理置博州。大業三年。省。隋亂。宇文化及弑逆。自江都

舉兵至此。竇建德攻陷其城。復自據。武德四年。討平竇建德。重置博州。

州境。東至一百六十七里。南至一百六十六里。

八到。西至一百一十七里。南至一百一十七里。

西至。西至一百一十七里。南至一百一十七里。

東至。東至一百一十七里。南至一百一十七里。

東渡河至鄆州一百六十里。

東渡河至齊州二百九十里。

貢賦。開元貢。賦。平絀十疋。

管縣六。聊城。武水。堂邑。清平。博平。高唐。

聊城縣。

緊三郭下。

本春秋時聊攝地。晏子對景公曰。聊攝以東。其爲人多矣。漢以爲縣。屬東郡。晉屬平原郡。高

齊改屬濟州。隋開皇三年。改屬冀州。十六年。置博州。縣屬焉。

黃河南去縣四十三里。

茌平故城在縣東五十三里。在茌山之平地。石勒之賤也。賣在茌平人師歡家爲奴。

四口故關在縣東南八十里。隋置。

武水縣。

上八。東北至州六十里。

本漢陽平縣地。屬東郡。隋開皇八年。改陽平爲清邑縣。十六年。分清邑置武水縣。屬

莘州。

即今博州武水縣理是也。

在武水溝之南。因名之。大業三年。廢莘州。改屬魏州。貞觀元年。改屬博州。

黃河南去縣二十里。

堂邑縣。

上二。東至州六十里。

本漢清縣。發千二縣之地。屬東郡。隋開皇六年。於此置堂邑縣。屬毛州。因縣西堂邑

故城爲名。大業二年。改屬魏州。武德四年。又屬毛州。貞觀元年。廢毛州。改屬博州。

樂平故城本漢清縣。在縣東三十里。後趙錄曰。東海王使征東將軍苟晞擊汲桑。石勒勒與晞相持。戰於